

GIZARTE ZERBITZUEN ALORREAN DIHARDUTEN ELKARTEENTZAKO 2019KO
DIRULAGUNTZAK ARAUTZEN DITUZTEN OINARRIAK

1.Xedea

1.1.-Deialdi honen bitartez, 2019. urterako dirulaguntzak emateko irizpideak ezarri eta jakitera eman nahi dira. Gizarte esku-hartzearen eremuan ekintzak burutzen dituzten elkarteei zuzendua, hau da, gizarte zerbitzuen gaietan, pertsonen, familia eta taldeen autonomia pertsonala eta pertsonen, familien eta taldeen gizarte integrazioa babestu eta sustatzeko ekintzak burutzen dituztenei zuzenduak .

1.2.- Ekintza edo egitarau hauek honakoak izango dira:

- Elkarteen jarduera arrunta mantentzea.
- Elkarteen jardueraren sensibilizazio, prestakuntza, informazio eta zabaltzeko ekintza espezifikoak egitea.
- Elkarteen jardueraren xede diren taldeentzat esku hartzeko programa espezifikoak garatzea.

2. Aurrekontua eta programak

Deialdiko helburuak gauzatzeko, Lezoko Udalak 2019rako ondoko partida honetatik bideratuko ditu dirulaguntzak: 1 480.03.231.80 2019 zenbakia duen Gizarte Zerbitzuak arloko "Gizarte Elkarateentzako dirulaguntza" partidaren bidez eta guztira 2019ko aurrekontua 5.000€ dira.

3.- Onuradunak

Diru-laguntza jasotzeko aukera izango dute irabazi asmorik gabeko Elkarateek, hurrengo baldintzak betetzen badituzte:

- a) Gizarte zerbitzuekin edo eta osasunarekin zerikusia duten ekintzak garatzea.
- b) Elkaratearen esku hartzea Gipuzkoako Lurralde historikoaren eremuan garatzea.
- c) Legalki eratuak eta behar bezala inskribatua egotea dagokien edo dagozkien Erregistro edo zentsu administratiboetan.
- d) Dirua irabaztea xede ez izatea, izaera juridikoa edozein dela ere, elkaratea, fundazioa, gizarte ekimenerako kooperatiba edo dirua irabaztea xede ez duen beste edozein, eta helburu publiko edo gizarte interesa betetzea sustatzea.

e) Gizarte Segurantzako, Ogasuneko eta, bere kasuan, Lezoko udaleko beteheharretan egunean egotea.

3.1.- Horretaz gain, ez dira onartuko sexu arrazoiak direla eta, jarduera diskriminatzailea gauzatzen duten elkarteak, Emakumezko eta Gizonezkoen arteko berdintasunerako otsailaren 18ko 4/2005 Legearen 24.2 artikuluan xedatutakoaren arabera. Era berean, ezin izango dute onuradun kondiziorik eskuratu beren jarduerarekin izaera sozial edo pertsonaleko diskriminazioen bat sustatzen duten elkarteak

4.- Eskabideak eta aurkezteko epea

Dirulaguntza-eskabide normalizatuak, Udaletxeko Sarrera Erregistroan aurkeztuko dira, astelehenetik ostiralera, 8:30etatik 13:30etara,. edo Lezoko udalak tramitazioa elektronikoki egiteko duen web orrian: <https://www.lezo.eus/eu/tramiteak>

Era berean, informazioa Udaleko web orrian egongo da eskuragarri (www.lezo.eus).

Oinarri hauek Gipuzkoako Aldizkari Ofizialean argitara emango dira eta egutegiko 15 eguneko epea utziko da eskabideak aurkezteko, argitara ematen den hurrengo egunetik kontatzen hasita.

Emandako epe horretako azken eguna lan ez egiteko balitz, epea astelehenera arte luzatuko da, edo hurrengo lehenengo lanegunera, hori ere laneguna ez balitz.

5.- Aurkeztu beharreko dokumentazioa

Ondorengo dokumentazioa aurkeztu beharko da:

- Eskaera orria.
- Eusko Jaurlaritzako elkarte eta entitate-erregistroan inskribatu izanaren ziurtagiria (aurretik ez bada aurkeztu)
- Elkartearen IFZaren (Identifikazio Fiskaleko Zenbakia) fotokopia. (aurretik ez bada aurkeztu)
- Aurkeztutako programaren txostena zehaztuta.
- Diru-laguntzaren xede izango den programaren aurrekontua.
- Entitatearen urteko aurrekontua.
- Zinpeko aitorpena beste departamentuetan edo erakundeetan egindako eskaerak jasotzen dituen, edo hala dagokionean, dagoeneko emandako dirulaguntzak jasotzen dituen.
- Gizarte Segurantzarekiko, Ogasunarekiko eta, bere kasuan, Lezoko udaleko beteheharretan egunean dagoela adierazten dituzten egiaztagiria.

- Zinpeko aitorpena adierazteko Elkartea ez dela oinarri hauetako hirugarren oinarriko 3.1 ataletan zehazten diren arrazoi eta inguruabarrenpean erori.

Akatsak zuzentzeko epea

Eskatzaileak aurkeztutako agiriak osagabeak edo oinarrietan ezarritako baldintzak betetzen ez dituztela egiaztatzen denean, interesatuari dei egingo zaio hamar laneguneko epean akatsak zuzen ditzan edo beharrezko agiriak aurkez ditzan.

Epea amaitutakoan akatsak konpondu ez badituzte, eskaera bertan behera utzi dutela joko da.

Eskaera onartua izanda ere, Udalak beharrezkoak dituen argibide eta dokumentuak eska ditzake.

6. Baloratzeko irizpideak

Diru-laguntzak ematerakoan, honako arloak kontuan hartuko dira, baldin eta egindako eskarian agertzen badira:

- a) Elkartea Lezokoa izatea. Puntu bat.
- b) Programa Lezon garatzea. Puntu bat.
- c) Elkarreak parte hartu edota onura duten Lezoko pertsonak ditu. Puntu bat.
- d) Biztanleriari orokorrean bideratuak dira. Puntu bat.
- e) Elkarreak egiten duen zerbitzuen edo jardueren eskaintza baloratuko da, zerbitzu horiek gizarte zailtasunik duten herritarrei zuzenduta badaude eta pertsonaren, familiaren edo beste maila bateko hobekuntzari lagunduko badiote. Puntu bat.
- f) Lezoko Gizarte Zerbitzuekin lankidetzatza. Puntu bat.

Udalak elkarte bakoitzari emango dion diru-laguntza zehazteko, honako hauek hartuko dira kontuan:

- Udalak aurrekontuetan zehaztutako kopurua.
- Elkarre eskatzaileen kopurua.

7. Ebazpena

Entitate eskatzaileari behar bezala jakinaraziko zaie Alkate Dekretuz hartutako erabakia. Aldi berean, erabakian zehaztuko da ordainketa bakar batean edo zatika ordainduko den, eskatutako laguntzaren berezitasunaren arabera.

8. Diru-laguntzaren zuriketa

Gizarte programak garatzeko dirulaguntza jasotzen dutenek, Gizarte Zerbitzuetako teknikariek ezarritako baldintzen arabera, egindako ekintzen Memoria aurkeztu beharko dute Udalean 2020ko martxoaren 31a baino lehen:

a) Egindako programa edo jardueraren memoria zehaztua, partehartzaile edo onuradunen datuak dagokien sexuaren arabera banatuta .

b) Elkartek, dirulaguntza jaso duten kontzeptu bakoitzeko, izandako gastu eta diru-sarreraren balantze xehatuarekin batera, fakturak aurkeztu beharko ditu.

Elkartek egin beharreko oinarrizko lanak egiten dituzten profesionalen soldata gastuak ez dira diruz lagunduko.

Diru-laguntza zuritzen ez bada, dirua itzuli beharko da.

9. Betebeharrak

Honakoak dira onuradunaren betebeharrak:

a) Diru-laguntzaren oinarri diren jarduerak egin edo/eta helburuak betetzea.

b) Lezoko Udalaren aurrean zuritzea diru-laguntza ematearen edo erabiltzearen helburua eta ekintzak betetzen direla.

c) Dirulaguntza jasotzen duen jardueraren berri emateko neurriak hartzea; hau da, onuradunak Lezoko Udalaren dirulaguntza jasotzen duten programa, jarduera, inbertsio edo ekintzen finantziazioaren izaera publikoaren publizitatea egin beharko du.

d) Dirulaguntza emateko garaian kontuan hartutako edozein inguruabar aldatuko balitz dirulaguntza ematen duen organoari jakinarazi beharko zaio.

e) Jarduera bertan behera utzi edo eskabidean adierazitakotik nabarmen aldatuko balitz, jasotako diru kopurua itzultzeko betebeharra izango du jaso duenak.

f) Euskararen udal ordenantza betetzea, eta, ondorioz, diru-laguntza eskatzeko unean indarrean dagoen euskara normalizatzeko udal erabilera plana eta Hizkuntza Ofizialen Erabilera

Irizpideak.

g) Emakumeen eta gizonen berdintasunerako legea betetzea.

10. Hizkuntz irizpideak

Elkartek Udalak onartuta dituen hizkuntz irizpideak bete beharko dituzte. Irizpide hauek ondoren zehaztuko dira:

- Diru-laguntza aurreko eta ondorengo tramitazioan: Idatzizko eta ahozko harremanak euskaraz izateko saiakera egitea (kontuan izanda, azaroaren 24ko 10/1982 Legeak herritarrei administrazioan eskaerak gaztelaniaz egiteko eskubidea aitortzen diela).
- Diru-laguntzaren xede den ekintzan euskara erabiliko dela bermatzea. Jendaurreko hitzaldi edo antzekorik antolatuko balitz eta hizlaria euskalduna ez balitz, laguntzaile euskaldun bat behintzat egotea, euskaldunen hizkuntza eskubideak ere errespeta daitezen.
- Diruz lagundutako ekintzetan argitaratzen diren eskuorriak, kartelak, iragarkiak, oharra eta gainerakoak, ahozkoak zein idatzizkoak gutxienez elebitan egotea eta, kasu horretan, euskarari lehentasuna ematea.
- Jardueraren hedapen-lana eta jarduera bera euskaraz gauzatzen dituzten elkarteak diruz sarituko ditu Udalak (elebitasunaren alde egin duten elkarten parean).
- Ezarritako hizkuntza-irizpideak (elebitasuna bermatzea) bete ezean, ez da diru-laguntzarik emango.

11. Betebeharrak ez betetzeak

Deialdi honetan aurreikusten diren egin beharretakoren bat ez betetzeak, emandako zenbatekoa berraztertzea eramango du eta, hala badagokio, deuseztatu, gutxiagotu edota itzularaztera, azaroaren 17ko 38/2003 Dirulaguntzei buruzko Lege Orokorraren 37. eta 52.artikuluek eta ondorengoek aurreikusten duten eran.

12. Klausula gehigarria

Oinarri hauetan arautzen ez dena aztertuko da, azaroak 17ko Dirulaguntzen 38/2003 Lege Orokorraren, aipatu legea garatzen duen 887/2006 Errege Dekretuaren, eta Lezoko Udaleko Aurrekontuak Gauzatzeko Arauan adierazitakoaren arabera.